


P.K. Sh.A.
Posta e Kosovës SH.A.
Post of Kosovo J.S.C.
Posta Kosova O.J.S.

Nr./No./Br. 01-137 /2021
Data/Datum 26-01-21



Komuna e Vitisë

Opstina Vitina

Municipality of Viti/na



Ndërmarrja Publike Qendrore

Posta e Kosovës Sh.A

**Posta e Kosovës Sh.A. KONTRATË PËR KRYERJEN E SHËRBIMEVE POSTARE
(Shpërndarja e Faturave të Tatimit në Pronë)**

E lidhur ndërmjet:

KRYESI I SHËRBIMEVE:

Posta e Kosovës SH.A. Adresa; rr. 28 Nëntori, nr. 4, 10,000, Prishtinë, Kosovë. Me numër Unik Identifikues (811285205). Epërfaqësuar nga z. Xhevdet Smakiqi, U.D. Kryeshef Ekzekutiv i PK SH.A., në tekstin e mëtejme : Kryesi i Shërbimeve, dhe

POROSITËSI I SHËRBIMEVE: KOMUNA E VITISË Adresa, Adem Jashari, 60000 Viti, e përfaqësuar nga z. Sokol Haliti Kryetar i Komunës së Vitisë në tekstin e mëposhtëm : Porositësi i Shërbimeve.

OBJEKTI I KONTRATËS:

Është printimi, zarfimi (me sigurimin e letrës dhe të zarfeve), si edhe shpërndarjen e dërgesave postare (faturave mbi tatimin në pronë të obliguesve tatumorë), në adresat e destinimit.

AFATI KOHOR:

Kontrata për Kryerjen e Shërbimeve fillon prej 01/01/2021, për një periudhe kohore prej një (1) viti, përkatësisht deri me datën 31/12/2021, me mundësi vazhdimi edhe për një (1) vit. Marrëveshja hyn në fuqi me nënshkrimin nga të dy palët. Palët që nënshkruajnë, me marrëveshje të shkruar, vendosin për shërbimet e kërkua/orfuara gjatë vitit 2021.

Në bazë të kësaj marrëveshje, kryerësi i shërbimeve dhe porositësi i shërbimeve bien dakord si më poshtë vijon:

Neni 1 Përkuftizime

Në këtë Kontratë për kryerjen e shërbimeve, përveç kur konteksti e kërkon ndryshe, termat e përdorur kanë kuptimet e dhëna më poshtë:
Kontratë, do të thotë kjo Kontratë, me ndryshimet dhe plotësimet eventuale sipas nenit 4.2 të saj;

Kryerësi i shërbimeve, do të thotë: Posta e Kosovës SH.A.

IT, do të thotë Departamenti (PK -Sh.a.) i cili kryen printimin e faturave, zarfimin e tyre;

PK SH.A, do të thotë Posta e Kosovës SH.A e cila do të bëj shpërndarjen e dërgesave postare (Faturave të Tatimit në Pronë) në adresat e destinimit;

Porositësi i shërbimeve, do të thotë: Komuna e Vitisë

Afat, ka kuptimin e kohëzgjatjes së kësaj Kontrate.

Tarifa Postare, ka kuptimin e "Listës së Cmimave të Shërbimeve Postare";

Objekte Postare, ka kuptimin e dërgesave që nënkupton të gjitha shërbimet që kryen kryerësi i shërbimeve;

Personi kontaktues, ka kuptimin e personit, me të cilin bëhen kontaktet në lidhje me zbatimin e kësaj kontrate;

Printimi i faturave, nënkupton printimi i faturave të obliguesve tatimore në bazë të shënimave të marra nga baza e të dhënavë nga MEF-i;

Zarfimi, nënkupton futjen e faturave në zarfe dhe përgatitja për shpërndarje.

Neni 2 Detyrimet e Palëve

2.1. Kryerësi i Shërbimeve, do të bëjë Printimin, Zarfimin (dhe sigurimin e letrës dhe të zarfeve) dhe Shpërndarjen e dërgesave postare (faturave mbi tatimin në pronë të obliguesve tatimore), në adresat e destinimit, sipas ofertës së bashkangjitur në fund të faqes.

2.2. Kryesi i shërbimeve, detyrohet të bëjë pranimin e shënimave nga baza e të dhënavë të porositësit të shërbimeve dhe të njëjtat shënime do të futen në faturat përkatëse, me të cilat bëhet faturimi i tatimit, në pronë i detyrimeve tatimore, mandej do të bëhet printimi i faturave në fjale, zarfimi dhe pastaj shpërndarja e tyre deri te adresa e tatimpaguesit.

Në këtë mënyre faturat e gatshme të përgatitura për shpërndarje nga kryesi i shërbimeve (TI) kalojnë tek kryesi i shërbimeve (PK SH.A) për shpërndarje të tyre në adresat e destinimit.

2.3. Kryesi i shërbimit, për shërbimet e kryera, pregadit faturat për pagesë për Komunën e Lartcekur. Pagesa e këtyre faturave, duhet të bëhet në afat prej tridhjetë (30) ditësh, nga përfundimi i shërbimit nga buxheti i Kuvendeve Komunale.

2.4. Faturat e përgatitura nga kryesi i shërbimit, do t'i dorëzohen Komunës në fjalë.

2.5. Kryerësi i shërbimeve, duhet të njoftojë porositësin e shërbimeve, mbi shpërndarjen e faturave në fjalë (numrat dhe datat për secilën komunë) dhe për faturat e humbura gjatë printimit, në rast se ndodh kjo.

2.6. Kryesi i shërbimit, duhet të përfundojë printimin, zarfimin, shërbimet përcjellëse postare dhe shpërndarjen e të gjitha faturave tatimore për vitin 2021, në afatin e

paraparë ligjor, Në rast të kërkesës, për shërbim shtesë ose ndryshim shërbimi gjatë vitit 2021, detajet përkufizohen në një shkresë të veçantë me shkrim, me miratimin e palëve, si aneks i kësaj kontrate.

2.7. Porositësi i shërbimit, detyrohet që kryesin e shërbimit ta furnizojë me të gjitha shënimet bazë të të gjithë obliguesve tativore, për të cilat duhet të përgatiten faturat për tatim në pronë dhe që, pas përgatitjes, do të shpërndahen nga kryesi i shërbimeve.

Neni 3 Kushtet e Pagesës

3.1. Kryesi i shërbimeve për shërbimet e bëra nga neni paraprak i kësaj kontrate përmes faturës ja faturon shërbimet e bëra porositësit të shërbimit. Faturat do të tarifohen në emër të Komunës përkatëse dhe ato i dorëzohen direkt atyre.

3.2 Kryesi i Shërbimit për shërbimet e bëra – printim, zarfim, dhe shpërndarje të këtyre dërgesave i faturon porositësit të shërbimit me çmimin prej **0.52 €/copë**, (*Letra dhe shtypja bardh e zi = 0.045 €/copë; Zarfa = 0.030 €/copë; Palosja dhe zarfimi = 0.045 €/copë; shpërndarja e thjeshtë me peshë deri në 50g = 0.40 €/copë; pra GJITHSEJ = 0.52 €/copë*), në çmim është llogaritur edhe TVSH.

Për dërgesa me më shumë se dy faqe luteni ti shikoni tabelën e më poshtme:

Tabela 1 : Letërdërgesat postare të thjeshta “THJ” pesha 50 gr

Nr.	Përshkrimi i artikullit-lloji i shërbimit	Pesha gr.	Shtypja A4 bardh /zi çmimi rritet për çdo faqe shtesë	Faq e	Zarfi C5 përdoret për dërgesa deri në 5 fleta ndërsa C4 për për dërg esat me mbi 5 fletë	Thyerje dhe zarfim për një dërgesë	Total printimi sipas faqeve	Gjithsejtë	Shërbimi i dërgesës Thjeshtë THJ	Çmimi total përnjësi (€)
1	Dërgesa e thjeshtë THJ (bardh e zi)	deri 50 gr.	0.028	3	0.05	0.045	0.084	0.18	0.40	0.579
2	Dërgesa e thjeshtë THJ (bardh e zi)	50-100	0.028	8	0.10	0.045	0.224	0.37	0.50	0.869
3	Dërgesa e thjeshtë THJ (bardh e zi)	100-250	0.028	45	0.10	0.045	1.260	1.41	0.70	2.105
4	Dërgesa e thjeshtë THJ (bardh e zi)	250-500	0.028	95	0.10	0.045	2.660	2.81	1.10	3.905
5	Dërgesa e thjeshtë THJ (bardh e zi)	500-1000	0.028	195	0.10	0.045	5.460	5.61		7.105
6	Dërgesa e thjeshtë THJ (bardh e zi)	1000-2000	0.028	395	0.10	0.045	11.060	11.21	2.50	13.705

*Oferta perfshire : Letrën A4 (shtypjen bardh e zi); Zarfin C5 deri në 5 fletë dhe C4 për dërgesë mbi 5 fletë; Thyerjen dhe zarfimin për çdo dërgesë; Shpërndarjen e dërgesave sipas shërbimit të përzgjedhur: "Leterdergese e thjeshte" THJ".

Letër Thjeshtë (THJ) Paraqet shërbimin më tradicional brenda dhe jashtë vendit. Është një njofitim i shkruar i mbyllur, pesha maksimale e saj mund të jetë 2 kg.

Tabela 2 : Numri i përafërt i fletëve dhe zarfi

Pesha gr	Numri i përafërt i fletëve dhe zarfi (13gr)
deri 50	Deri 7 copë + zarfi A5
51-100	Deri 19 copë + zarfi A4
101-250	Deri 51 copë + zarfi A4
251-500	Deri 106 copë + zarfi A4
500-1000	Deri 215 copë + zarfi A4
1000-2000	Mbi 215 copë (max deri 2kg.) A4

3.3. Porositësi i shërbimit obligohet që pagesën për taksen postare dhe shërbimin e kryer të bëjë në llogarinë bankare të Postës së Kosovës SH.A. sipas faturës se dorëzuar, në afat prej 15 ditëve me shenjen për të hyrat e "Posta e Kosovës SH.A.".

Neni 4 Ndryshimi i Kontratës

- 4.1. Kjo kontratë, do të mbetet në fuqi dhe do të jete e vlefshme në çdo rast transferimi ose kalimi.
- 4.2. Ndryshimet në ketë Kontrate, duhet të bëhen vetëm me shkrim, me nënshkrime të Përfaqësuesve të Autorizuar, ose pasardhësve të tyre, me autorizim të Titullarëve të Institucioneve respektive, për çdo rast.
- 4.3. Çdo çështje e patrajtuar në këtë Kontratë, do të zgjidhet me pajimin dhe shqyrtimin e palëve kontraktuese në përputhje me Ligjin „Mbi Shërbimet Postare”.

Neni 5 Përgjegjësitë

- 5.1. Kryesi i Shërbimeve, është përgjegjës për çdo dëm të shkaktuar në pajisjet për shkak të akteve ose mosveprimeve të tij, nga pakujdesia, keq shfrytëzimi ose keqpërdorimi prej personelit të tij, qoftë ky i prekshëm ose i paprekshëm, në secilin prej rasteve të lartpërmendura, të cilat ndodhin gjatë përbushjes ose në lidhje me përbushjen e kësaj Kontrate.

- 5.2 Çdo dërgesë postare që është objekt reklamacioni do të trajtohet sipas ligjeve dhe akteve nënligjore që janë në fuqi në kohen e paraqitjes së reklamacionit.
- 5.3. Kryesi i Shërbimeve, nuk mban përgjegjësi nëse këto janë të natyrës që përshkruhet në Nenin 6 (Forcë Madhore).

Neni 6 Forca Madhore

- 6.1. Nëse, në çdo kohë, gjatë afatit kohor, të përcaktuar në ketë Kontrate, përmbushja plotësisht ose pjesërisht nga secila Palë, e çdo detyrimi sipas kësaj Kontrate, pengohet ose vonohet për shkak të luftës, luftës civile, armiqësise, akteve të armikut publik, rebelimit, revolucionit, fuqisë ushtarake ose të usurpimit, shqetësimëve civile, demonstratave ose kërcënimëve të menjëherëshme lidhur me gjithë sa më lart, sabotazhit, zjarrit, përmbytjes, shpërthimeve, pandemive, epidemive, kufizimeve për shkak të karantinës, shqetësimëve në furnizime nga burime normalisht të besueshme (ku përfshihen por jo vetëm elektricitet, ujë, naftë dhe të ngashme), greva, përjashtime, vendime qeveritare ose ndonjë ngjarje tjetër jashtë kontrollit të arsyeshëm të Palës në fjalë (këtu e më poshtë e përmendur si "ndodhia"), atëherë përmbushja e këtyre detyrimëve do të falet në masën që u pengua ose u vonua dhe pala e prekur ka marrë njoftim për këtë ndodhi, nga Pala tjetër brenda afatit prej 15 (pesëmbëdhjetë) ditësh nga data e ndodhisë, duke pasur parasysh që ngjarja e çdo ndodhie, nuk justifikon asnje detyrim të secilës Palë për të kryer pagesa.
- 6.2. Asnjëra Palë, për shkak të ndodhisë, nuk ka të drejtë të zgjidhë këtë kontrate ose të ngrejë pretendime për dëme kundër palës tjetër, në lidhje me mos përmbushjen ose vonesën në përmbushje. Përmbushja e detyrimëve të cenuara, duhet të rifillojë sapo të jetë praktike pas përfundimit ose pushimit të ndodhisë në fjalë.
- 6.3. Nëse përmbushja tërësisht ose pjesërisht e ndonjë detyrimi sipas kësaj kontrate vonohet për shkak të ndonjë ndodhie të tillë, për një periudhë që tejkalon 3 (tre) muaj, Palët do të takohen dhe rishikojnë në mirëbesim dëshirueshmërinë dhe kushtet për zgjidhjen e Kontratës.

Neni 7 Marrëveshja e Plotë

Palët bien dakord se marrëveshja dhe mirëkuptimi në mes tyre, përfundon prej datës efektive të kësaj kontrate, me kusht që, të gjitha shumat që përbëjnë detyrim ndaj secilës Palë, sipas marrëveshjes së mëparshme, mbeten ende detyrime dhe të pagueshme.

Neni 8 Zgjidhja e Kontratës

- 8.1. Kontrata fillon efektet ligjore me nënshkrimin nga të dyja palët dhe përfundon deri 31/Dhjetor/2021, me mundësi vazhdimi edhe për një (1) vit.
- 8.2. Para përfundimit të afatit të Kontratës, 60 (gjashtëdhjetë) ditë, palët duhet të shqyrtojnë mundësinë e vazhdimit të kontratës dhe bashkëpunimit, me kërkesën paraprake me shkrim për vazhdim dhe në rast nevoje ndryshim shërbimi të kërkuar nga ana e porositësit të shërbimit.
- 8.3. Zgjidhja e kontratës është e mundur edhe nëse dispozitat ligjore mbi shërbimet postare e parashohin një mundësi të tillë.

**Neni 9
Përfaqësuesit**

Për Kryesin e Shërbimit, Personi Kontaktues do të **MIFAIL A2121 TEL 044-402-130** jetë znj. Pranvera Hasani pranvera.hasani@postakosoves.com, zyrtare përgjegjëse për përcjelljen, kujdesin dhe menaxhimin e zbatimi të kontratës, me nr. tel +383/44/300-221, apo nga **Shitja - PK Sh.A**, nr. tel; 038/221-841.

**Neni 10
Ligji dhe Juridiksioni**

10.1. Në rast të çdo mosmarrëveshjeje, që lind për shkak ose në lidhje me përbushjen ose interpretimin e kësaj kontrate, Palët, bien dakord të takohen dhe të negociojnë në mirëbesim, për të arritur një zgjidhje miqësore, në mungesë të së cilës, vendimin për zgjidhje të mosmarrëveshjes, do ta marrë Gjykata kompetente e Prishtinës.

10.2. Kjo Kontratë hartohet dhe nënshkruhet në **3 (tre)** kopje origjinale, për të dy(2) Palët nga 1 (një) kopje origjinale, dhe një (1) kopje për Departamentin e Tatimit në Pronë.

**PËR DHE NË EMËR
TË KRYESIT TE SHERBIMEVE**

Z. Xhevdet Smakiqi

U.D. Kryeshef Ekzekutiv i PK, SH.A.

**PËR DHE NË EMËR
TË POROSITESIT TE SHERBIMEVE**

✓ z.Sokol Haliti

Kryetar i Komunës së Vitisë

Datë: 25/01/2021

Datë: 12/01/2021